



Reykjavík, 20. júní 2023
MSS22010272

Borgarráð

Viðauki við samstarfsyfirlýsingu Hjallastefnunnar og Reykjavíkurborgar

Lagt er til að borgarráð samþykki viðauka við samstarfsyfirlýsingu við Hjallastefnuna. Viðaukinn felur í sér að framlengja um eitt ár til viðbótar áður samþykktu þátttöku í tímabundinni lækkun leigugreiðslna Hjallastefnunnar vegna flutnings úr núverandi húsnæði í nýtt húsnæði. Þá er lagt til að borgarráð heimili þátttöku í viðbótarleigugjaldi allt að 20. m.kr. sem endurspeglar framkvæmdarkostnað leigusala við að lagfæra húsnæðið vegna starfsemi Hjallastefnunnar m.a. vegna fjölgun nemenda. Fjárheimildin rúmast innan verkefnisins Brúum Bilið.

Greinargerð:

Borgarráð samþykkti á fundi sínum 2. maí 2022 heimild til að veita framlag til Hjallastefnunnar vegna kostnaðarþátttöku í leigugreiðslum til að leysa tímabundna húsnæðisþörf starfseminnar. Fyrirhugað var að starfsemi skólans væri komin í varanlegt húsnæði haustið 2023. Verkefnið hefur hins vegar reynst flóknara og því liggur fyrir að starfsemi Hjallastefnunnar mun vera áfram í Skógarhlíð 6 skólaárið 2023-2024. Í ljósi þess er því lagt til að framlengja heimild um kostnaðarþátttöku í leigugreiðslum Hjallastefnunnar til loka skólaársins 2023-2024. Jafnframt þarf að fara í breytingar á húsnæðinu vegna krafna frá eftirlitsaðilum. Þá liggur fyrir liggur umsókn Hjallastefnunnar um breytingu á þjónustusamningi. Umsóknin gerir ráð fyrir að nemendum í Öskju fjölgi um 23 börn. Í Barnaskólanum er horft til 20 barna.

Dagur B Eggertsson
borgarstjóri

Hjálagt:
Viðauki við samstarfsyfirlýsingu
Erindi frá Hjallastefnunni 2.6.2023
Kostnaður vegna viðhalds 2023
Samþykkt borgarráðs 5.5.2022



VIÐAUKI

við samstarfsyfirlýsingu Hjallastefnunnar og Reykjavíkurborgar

Þann 2. maí 2022 gerðu Reykjavíkurborg og Hjallastefnan með sér samstarfsyfirlýsingu þar sem Hjallastefnan skuldbindur sig til að gera tímabundinn húsaleigusamning og flytja skólustarf sitt úr húsnæði við Nauthólsveg.

Fyrirhugað var að starfsemi skólans væri komin í varanlegt húsnæði haustið 2023 en nú liggur fyrir að starfsemi Hjallastefnunnar munu vera áfram í Skógarhlíð 6 skólaárið 2023-2024. Af hálfu aðila eru hér með samþykktar eftirfarandi breytingar á gildistíma 2. liðar í samstarfsyfirlýsingunni:

Gildistími 2. liðar samstarfsyfirlýsingar verður framlengt til lok skólaársins 2023-2024.

Önnur ákvæði samningsins halda gildi sínu og eru óbreytt.

Viðauki þessi er í tveimur eintökum, einu fyrir hvorn aðila.

Reykjavík, 08. júní 2023

F.h. Reykjavíkurborgar

F.h. Hjallastefnunnar

Dagur B. Eggertsson, borgarstjóri

Margrét Pála Ólafsdóttir stjórnarformaður



Hjallastefnan

**Ósk um framlengingu á samkomulagi frá 2. maí 2022 um
kostnaðarþáttöku Reykjavíkurborgar í leigu Hjallastefnunnar á
Skógarhlíð 6.**

**Jafnframt er óskað þáttöku í nauðsynlegum framkvæmdakostnaði
vegna lengri leigutíma á húsnæði undir starfsemi leikskólans Öskju og
Barnaskóla Hjallastefnunnar í Skógarhlíð.**

Viðtakandi: Skóla og frístundasvið

Bt. Helga Grímssonar, Þórörnu Ólafsdóttur, Þorsteins Gunnarssonar

**Sendandi: Hjallastefnan grunnskólar ehf. kt. 550119-0210 og Hjallastefnan ehf. kt.
540599-2039**

Erindi

Með vísan í minnisblað til borgarráðs, dagsett 25. janúar 2022, frá viðræðunefnd Reykjavíkurborgar og Hjallastefnunnar og samþykktar borgarráðs frá 2. maí 2022 um samstarfssamning Hjallastefnunnar og Reykjavíkurborgar, óskar Hjallastefnan grunnskólar eftir að liður tvö í samstarfsyfirlýsingunni, sjá neðanmáls, verði framlengdur um ár.

Áfram er gert ráð fyrir að starfsemi skólans færist í langtímahúsnæði í Öskjuhlíðinni og er undirbúningsvinna í gangi í samstarfi aðila. Meðan á undirbúningi stendur hefur verið tryggt að leigusamningur um starfsemi barnaskólans í Skólarghlíð 6 haldi áfram skólaárið 2023-2024.

Þar sem starfseminn verður lengur en áformað var í Skógarhlíð 6 og að börnum mun fjölga eru ákveðnar framkvæmdir á húsnæðinu nauðsynlegar, sjá hjálagða kostnaðaráætlun. Hjallastefnan ehf. fyrir hönd leikskólans Öskju og Barnaskóla Hjallastefnunnar óskar með erindi þessu eftir þáttöku Reykjavíkurborgar í þessum úrbótum líkt og breytingum á húsnæðinu árið 2022, samanber ákvörðun Borgarráðs 21. júlí 2022.

Virðingarfyllt,

Alma Guðmundsdóttir

Framkvæmdastýra Hjallastefnunnar, stjórnun&rekstur

2. Að starfsemi Hjallastefnunnar verði tímabundið rekin í húsnæði sem Hjallastefnan tekur á leigu. Hjallastefnan greiði 1000 kr. á fermetra á gildandi verðlagi. Hjallastefnan ber kostnað af flutningi búnaðar og mannafla í bráðabirgðahúsnæðið.

Skógarhlíð 6

Verkefnalisti fyrir viðhald sumarið 2023

31.5.2023

	Magn	Ein
Sjónskoðun í kálfi til að ath rakaskemmdir, Skoðun á þaki í kálfi til að ath leka.	1	heild
Útbúa loftræstingu úr þvottahúsi.	1	heild
Laga rakaskemmdir við flóttastiga í kjallara	1	heidl
Sírenusökklar og lagfæring eftir úttekta SHS (Nortek)	20	stk
Niðurfall í eldhús, kjarnaborun, lagfæring á gólfefni og tenging við fráveitukerfi	1	heild
Setja upp vegg með hurð á 2. hæð	22	m2
2 ný hurðargöt á 2. hæð	2	stk
Færa fatahófl á 2. hæð og taka glervegg niður á gangi	1	heild
Mála og lagfæra veggi og hurðargöt (efni og vinna)	300	tímar
Setja stállista hjá hurðargötum og úthornum	30	hurðir
Bæta hljóðvist í 8 kennslustofum	8	heild
Alþrif eftir mælingu MT Ísland	1	heild
Þrifabombur í sumarlokun (MT Ísland)	1	heild
Nýtt niðurfall á bílastæði fyrir framan hlið inn á lóð, bæta við niðurfalli þar sem það vantar við kantstein.	1	heild
Laga inn/útkeyrslu á bílastæði	1	heild
Betrumbæta leiksvæði samkvæmt tillögu Hjallastefnunnar	1	heild

Samtals

Verð	Samtals
300.000	300.000
400.000	400.000
200.000	200.000
40.000	800.000
600.000	600.000
50.000	1.100.000
240.000	480.000
250.000	250.000
12.500	3.750.000
50.000	1.500.000
300.000	2.400.000
1.000.000	1.000.000
1.880.000	1.880.000
2.000.000	2.000.000
1.500.000	1.500.000
1.500.000	1.500.000
	19.660.000



Borgarráð

Kostnaðarpátttaka í leigugreiðslum Hjallastefnunnar

Lagt er til að borgarráð samþykki að taka þátt í tímabundinni lækkun leigugreiðslna Hjallastefnunnar vegna flutnings úr núverandi húsnæði í nýtt húsnæði með vísun í samþykkt borgarráðs frá 27. janúar sl. Framlag Reykjavíkurborgar vegna grunnleigugjalds mun nema 1.650 kr. á fermetra á mánuði og er fjárhæðin bundin vísitölu neysliverðs til verðtryggingar m.v. þann mánuð sem aðilar undirrita endanlegan leigusamning. Óskað er eftir því að heimildin gildi á meðan þjónustusamningur er við Hjallastefnuna um rekstur skólastarfs í húsnæðinu eða allt að 10 ár og mun heildarframlag Reykjavíkurborgar yfir samningstímamann nema þá að hámarki 594 m.kr. auk verðbóta (59,4 m.kr. á ári auk verðbóta).

Þá er lagt til að borgarráð heimili þátttöku í viðbótarleigugjaldi sem bætist við grunnleigugjaldið. Viðbótarleigugjaldið endurspeglar framkvæmdarkostnað leigusala við að laga húsnæðið að starfsemi Hjallastefnunnar og óskum Reykjavíkurborgar um fjölgun ungbarnadeilda. Framkvæmdarkostnaðurinn er áætlaður allt að 300 m.kr. og skal liggja fyrir við undirritun endanlegs leigusamnings og samþykktur með aðkomu Reykjavíkurborgar. Viðbótarleigugjaldið er bundið vísitölu neysliverðs til verðtryggingar á sama hátt og grunnleigugjaldið

Miðað er við að upphaf leigutíma sé eigi síðar en á tímabilinu 1. ágúst 2022 til 1. janúar 2023. Greiðsla leigugjalds skal hefjast frá afhendingardegi, hlutfallslega miðað við afhentan hluta hins leigða. Lagt er til að fjárheimildir skóla- og frístundasviðs fyrir árið 2022 verði endurskoðaðar þegar afhendingaráætlun og greiðslufyrirkomulag framlaga liggur fyrir.

Greinargerð:

Borgarráð samþykkti á fundi sínum 27. janúar 2022 að viðræðunefnd Reykjavíkurborgar fengi heimild til að gera drög að samningi við Hjallastefnuna sem fæli í sér tímabundna lækkun leigugreiðslna. Nú liggur fyrir viljayfirlýsing um leigusamning þar sem leigugjald er 2.650 kr. á hvern leigðan fermetra á mánuði. Í samstarfsyfirlýsingu milli Hjallastefnunnar og Reykjavíkurborgar er kveðið er á um að Hjallastefnan greiði 1.000 kr. á fermetra á gildandi verðlagi en Reykjavíkurborg 1.650 kr. á fermetra. Leigutíminn er tímabundin í tíu ár og eru leigugreiðslurnar verðtryggðar með vísitölu neysliverðs til verðtryggingar m.v. þann mánuð sem aðilar undirrita endanlegan leigusamning. Heildarframlög Reykjavíkurborgar vegna grunnleigugjalds eru áætluð allt að 594 m.kr. auk verðbóta.

Þá er óskað eftir að heimild verði veitt til að taka þátt í viðbótarleigugjaldi sem endurspeglar framkvæmdarkostnað leigusala við að laga húsið að starfsemi Hjallastefnunnar og óskum Reykjavíkurborgar um fjölgun ungbarnadeilda. Viðbótarleigugjaldið er bundið vísitölu neysliverðs til verðtryggingar á sama hátt og grunnleigugjaldið. Áætlað er að viðbótarleigugjaldið nemi allt að 300



Reykjavíkurborg

m.kr auk verðbóta eða sem nemur 834 kr. á hvern leigðan fermetra. Framkvæmdarkostnaður leigusala skal liggja fyrir og vera samþykktur með aðkomu Reykjavíkurborgar áður en undirritun endanlegs leigusamnings fer fram. Verði framkvæmdakostnaður áætlaður hærrí þarf að semja um það sérstaklega.

Aflað verður samþykkis Reykjavíkurborgar á endanlegum leigusamningi áður en hann verður undirritaður af Hjallastefnunni og leigusala. Gerður er fyrirvari um að bresti forsendur fyrir þjónustusamningi vegna breytinga á skólarekstrinum áskilur Reykjavíkurborg sér rétt til að falla frá framlögum til húsaleigunnar með hefðbundnum frestum, s.s. greiðslu út uppsagnartíma leigu.

Dagur B. Eggertsson
borgarstjóri

Hjálagt:

Viljayfirlýsing Hjallastefnunnar ehf. og Öskjuhlíðar ehf. um meginatriði leigusamnings, dags. 28. apríl 2022.
Trúnaðarmál.

Hjallastefnan í Öskjuhlíð – PK Arkitektar

Tillaga borgarstjóra dags. 25. janúar 2022 sem samþykkt var í borgarráði 27. janúar 2022.

Umsögn sviðstjóra fjármála- og áhættustýringarsviðs, dags. 29. apríl 2022.



Borgarráð

Heimild um þátttöku í tímabundinni leigu skólahúsnæðis og vinnu að framtíðarlausn

Lagt er til að borgarráð heimili viðræðunefnd Reykjavíkurborgar að gera drög að samningi við Hjallastefnuna, með fyrirvara um samþykkt borgaráðs, sem felur í sér tímabundna lækkun leigugreiðslna til að koma í veg fyrir að rof verði á starfsemi skólasamfélagsins í Öskjuhlíð. Heimildin gildi að hámarki til þriggja ára.

Jafnframt er lagt til að borgarráð heimili viðræðunefnd Reykjavíkurborgar og Hjallastefnunnar að vinna tillögu að framtíðarlausn um húsnæðismál Hjallastefnunnar sem tekur m.a. mið af minnisblaði viðræðunefndar um uppbyggingu skólastarfs í Öskjuhlíðinni og vinnu starfshóps um sjálfstætt starfandi leikskóla og grunnskóla í Reykjavíkurborg.

Greinargerð:

Borgarráð samþykkti á fundi sínum 1. júní 2021 beiðni Hjallastefnunnar um að skipa fulltrúa til viðræðna við Hjallastefnuna. Í erindinu kom fram að Hjallastefnan þyrfti að flytja byggingar sínar af lóð HR við Nauthólsveg 87 að afloknu skólaárinu 2021-2022, Barnaskóla Hjallastefnunnar (5 ára og 1.-6. bekk) þar sem eru um 200 nemendur, og leikskólann Öskju með um 100 börnum. Lýst var vilja til samstarfs um hugmyndir sem tryggja gætu framtíð skólanna án þess að rof yrði á skólastarfinu. Viðræðunefndin kannaði ýmsar leiðir til að reyna að leysa húsnæðismál Hjallastefnunnar, bæði til skemmri og lengri tíma. Lítið framboð er af lausu skólahúsnæði í eigu borgarinnar til skemmri tíma og það sem er laust hefur verið nýtt til bráðabirgða fyrir aðra skóla.

Viðræðunefndin er sammála um að mikilvægt sé að reykvískum börnum bjóðist áfram sá valkostur, sem Hjallastefnan er. Því er lagt til að viðræðunefndinni verði veittur rýmri tími til að gera tillögu um lausn til lengri tíma. Áhersla verði á hagkvæmt og umhverfisvænt húsnæði í anda Græna plansins.

Þar sem um 100 leikskólabörn og um 200 nemendur Hjallaskólans við Nauthólsveg samkvæmt þjónustusamningum við Reykjavíkurborg verða á hrakhólum með húsnæði frá og með næsta skólaári er mikilvægt að;

- Borgarráði heimili að gerðir verði samningar við Hjallastefnuna sem fela í sér þátttöku í leigugreiðslu til að leysa tímabundna húsnæðisþörf fyrir skólastarf Hjallastefnunnar næstu skólaár. Slíkur samningur yrði gerður með fyrirvara um samþykki borgaráðs.



Reykjavíkurborg

- Borgarráð heimili að viðræðunefnd Reykjavíkurborgar og Hjallastefnunnar vinni tillögu að framtíðarlausn um húsnæðismál Hjallastefnunnar sem tekur mið af minnisblaði viðræðunefndarinnar um uppbyggingu skólastarfs í Öskjuhlíðinni og vinnu starfshóps um sjálfstætt starfandi leikskóla og grunnskóla í Reykjavíkurborg þar sem mótuð er stefna til framtíðar.

Dagur B. Eggertsson



Umsögn

Til: Borgarráðs

Frá: Sviðsstjóra fjármála- og áhættustýringarsviðs

Efni: Umsögn um kostnaðarpáttöku í leigugreiðslum Hjallastefnunnar

Óskað hefur verið eftir umsögn fjármála- og áhættustýringarsviðs um tillögu um kostnaðarpáttöku í leigugreiðslum Hjallastefnunnar.

Í samstarfsyfirlýsingu milli Hjallastefnunnar og Reykjavíkurborgar er kveðið á um að framlag Reykjavíkurborgar vegna grunnleigugjalds nemi 1.650 kr. á fermetra á mánuði. Fjárhæðin bundin vísitölu neysluverðs til verðtryggingar m.v. þann mánuð sem aðilar undirrita endanlegan leigusamning. Gert er ráð fyrir að framlag Reykjavíkurborgar nemi að hámarki 594 m.kr. auk verðbóta yfir samningstímann. Til viðbótar er gert ráð fyrir að Reykjavíkurborg taki þátt í framkvæmdarkostnaði sem endurspeglar breytingar á húsnæðinu fyrir starfsemi Hjallastefnunnar. Framkvæmdarkostnaðurinn er áætlaður allt að 300 m.kr. eða um 834 kr. á fermetra á mánuði og bætist við grunnleigugjaldið. Verði framkvæmdarkostnaður áætlaður hærrí þarf að semja um það sérstaklega.

Fjármála- og áhættustýringarsvið hefur rýnt fjárhæðirnar í kostnaðarmatinu og gerir ekki athugasemdir við þær. Dæmi eru um skóla sem greiða 1.000 kr. á fermetra á mánuði. Fyrirvari er um að framkvæmdarkostnaðurinn liggja fyrir áður en endanlegur samningur er undirritaður en mikilvægt er að framkvæmdarkostnaðurinn verði yfirfarinn af borginni áður en til undirritunar kemur.

Óvissa er um endanlegan afhendingartíma en komi til greiðslu framlaga á árinu 2022 þá þarf að endurskoða fjárheimildir SFS með hliðsjón af afhendingaráætlun og greiðslufyrirkomulagi.

Haldóra Káradóttir,
sviðsstjóri fjármála- og áhættustýringarsviðs



Númer skjals:	FMS-EBL-029
Skjalalykill:	02.01 Fjárhagsáætlun
Útgáfa:	1
Útgáfudags.:	13.07.2018
Síðast rýnt / næst rýnt:	2020 / 2021
Ábyrgðarmaður:	Skrifstofustjóri áætlana- og uppgjörs

FMS-EBL-029 Jafnréttisskimun

Tilgangur jafnréttisskimanar:

Með jafnréttisskimun er tekið saman með einföldum hætti mat á áhrifum tillögunnar/verkefnisins á jafnrétti kynjanna og/eða jaðarsetta hópa í samræmi við verklag Reykjavíkurborgar um kynjaða fjárhags- og starfsáætlun. Jafnréttisskimunin styður við ákvarðanatöku stjórnenda og kjörinna fulltrúa og forgangsröðun um ráðstöfun fjármuna. Fáí tillagan áframhaldandi brautargengi, er gert ráð fyrir að hún fari í jafnréttismat hafi hún jafnréttisáhrif.

Upplýsingar um verkefnið/tillöguna:

Dagsetning:	02.05.2022
Svið:	RHUS -MSS
Unnið af:	Sigríður Finnbogadóttir
Verkefni/tillaga:	Kostnaðarþátttaka í leigugreiðslum Hjallastefnunnar
Þjónustubáttur:	
Stofnun/kostn.st.:	SFS
Fjárhæð:	- 59,4 m.kr. á ári í 10 ár + verðbætur fyrir leigugreiðslur - 300 m.kr. v. viðbótarleigugjalds (framkvæmdakostnaður)
Annað:	

Jafnréttisskimun:

Hver er tillagan og hvert er markmið hennar?

Óskað er eftir heimild til að taka þátt í tímabundinni lækkun leigugreiðslna Hjallastefnunnar vegna flutnings úr núverandi húsnæði í nýtt húsnæði. Framlag Reykjavíkurborgar vegna grunnleigugjalds mun nema 1.650 kr. á fermetra á mánuði og er fjárhæðin bundin vísitölu neysliverðs til verðtryggingar m.v. þann mánuð sem aðilar undirrita endanlegan leigusamning. Óskað er eftir því að heimildin gildi í allt að 10 ár og mun heildarframlag Reykjavíkurborgar yfir samningstímamann nema þá að hámarki 594 m.kr. auk verðbóta (59,4 m.kr. á ári auk verðbóta).

Þá er lagt til að borgarráð heimili þátttöku í viðbótarleigugjaldi sem bætist við grunnleigugjaldið. Viðbótarleigugjaldið endurspeglar framkvæmdarkostnað leigusala við að laga húsnæðið að starfsemi Hjallastefnunnar og óskum Reykjavíkurborgar um fjölgun ungbarnadeilda. Framkvæmdarkostnaðurinn er áætlaður allt að 300 m.kr. og skal liggja fyrir við undirritun endanlegs leigusamnings og samþykktur með aðkomu Reykjavíkurborgar. Viðbótarleigugjaldið er bundið vísitölu neysliverðs til verðtryggingar á sama hátt og grunnleigugjaldið.

Hefur verið hugað að aðgerðum við undirbúning tillögunnar til þess að stuðla að jafnrétti? Ef já, lýsið.

Nei í rauninni hefur það ekki verið gert.

Með tímabundinni lækkun leigugreiðslna er miðað við að Hjallastefnan njóti jafnræðis við þá sjálfstætt starfandi skóla sem leigja húsnæði af Reykjavíkurborg.

Með kostnaðarþátttöku í viðbótarleigugjaldi er húsnæðið aðlagð að starfsemi Hjallastefnunnar og markmiði borgarinnar um fjölgun ungbarnadeilda.

Með þessum stuðningi má koma í veg fyrir að um 100 börn á leikskólaaldri og 200 grunnskólanemendur þurfi að flytjast í aðra skóla borgarinnar.

Hverjir eru markhópar tillögunnar? Beðið er um kyngreindar upplýsingar nema ómögulegt sé.

Hjallastefnan rekur sjálfstætt starfandi leik- og barnaskóla við Nauthólsveg.

Markhópar tillögunnar eru núverandi og tilvonandi nemendur í leikskólanum og barnaskólanum, foreldrar þeirra og starfsfólk og stjórnendur skólanna.

Í leikskólanum Öskju eru um 100 leikskólabörn samkvæmt þjónustusamningi við borgina og 25 starfsfólk.

Í Barnaskólanum eru um 200 nemendur á aldrinum 6-12 ára og 40 starfsfólk.

<p>Hvernig hefur tillagan áhrif á stöðu kynjanna og jaðarsetta hópa? Rökstyðjið.</p> <p>Flutningur og aðlögun húsnæðisins fellur að stefnu Reykjavíkurborgar um fjölgun ungbarnadeilda og stuðningi borgarinnar við sjálfstætt starfandi leik- og grunnskóla. Slíkt hefur í för með sér að ákveðinn fjöldi barna kemst af biðlista og inn í leikskóla sem hefur jákvæð áhrif á hag þeirra fjölskyldna. Það hefur sýnt sig að það eru frekar konur (í gagnkynja parasamböndum) sem taka það á sig að brúa bilið milli þess að fæðingarorlofsrétti lýkur og þar til barn kemst inn á leikskóla. Það væri því um jákvæð áhrif á jafnrétti og stöðu kynjanna á vinnumarkaði að ræða. Ungbarnaleikskólar eru líka mikilvægir fyrir fólk sem hefur lítið stuðningsnet á Íslandi þegar kemur að því að brúa bil milli fæðingarorlofs og leikskóla, t.d. fólk af erlendum uppruna sem á ekki fjölskyldu eða ættingja hér á landi sem geta hlaupið í skarðið. Á hinn bóginn má nefna þau rök að einkareiknir leikskólar eru 15% dýrari fyrir foreldra og mánaðarlegt skólagjald er rukkað í barnaskólanum og því ólíklegra að tekjulægstu hóparnir nýti sér þá þjónustu.</p>
<p>Er talin vera þörf á jafnréttismati á tillögunni?¹</p> <p>Ekki tillögunni sem slíkri, en þörf væri á að gera dýpra jafnréttismat samhliða stefnumótun um stuðning við sjálfstætt starfandi leik- og grunnskóla í heild sinni, en rannsóknir hafa m.a. sýnt að einkareknir skólar eru líklegri til að höfða til fólks sem er nú þegar í forréttindastöðu í samfélaginu og stuðla að aðgreiningu í menntun eftir stétt og stöðu.</p>

¹ Jafnréttismat felur í sér ítarlega kortlagningu á stöðu kynjanna og jaðarsettra hópa á viðkomandi sviði og greiningu á því hvernig tillagan getur aukið jafnrétti og/eða tryggt réttindi þeirra. Jafnréttismat tekur mið af mannréttindastefnu Reykjavíkurborgar, lögum um jafna stöðu og jafnan rétt kvenna og karla nr. 10 frá 2008 og Evrópusáttmála um jafna stöðu kvenna og karla í sveitarfélögum og héruðum samþykktum í borgarstjórn 20. október 2009.